



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

36. Sacrosancti Apostolatus &c. Confirmatio Decreti Sacræ Congregationis
Rituum super approbatione Sententiæ Ordinarii de cultu immemorabili
exhibito Beatæ Joannæ Filiæ Alphonsi V. Lusitaniæ Regis ...
-

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

cuiuslibet quavis aliter iudicandi, & interpretandi facultate, iudicari, & definiri debere, Irritum quoque, & inane, quicquid fecus super his à quoquam quavis auctoritate scienter, vel ignoranter contigerit attentari.

Derogationes.

§. 34. Non obstantibus omnibus, & singulis præmissis, & quatenus opus sit, Nostris, & Cancellariæ Apostolicæ regulis, & signanter illa de iure quæsito non tollendo, & alia, quod Cardinales in Constitutionibus, & regulis per Nos edendis non comprehendantur, nisi illæ eorumdem Cardinalium favorem concernant, vel ipsæ edendæ Constitutiones de illorum, seu maioris partis eorum consilio editæ fuerint, aliisque quibuscunque, etiam in Generalibus, Provincialibus, & Synodalibus Conciliis editis generalibus, vel specialibus Constitutionibus, & Ordinationibus, etiam Apostolicis; Necnon quorumcunque, & singulorum Ordinum Regularium, Religionum, Congregationum, seu Reformationum Institutis, Regulis, Statutis, Decretis, & Ordinationibus quibuscunque, etiam in limine erectionis, foundationis, seu reformationis: etiam in Comitibus Generalibus quoquomodo factis, ac usibus, stylis, & consuetudinibus quibuscunque, etiam centenariis, & immemorabilibus, Privilegiis, quoque & Indultis, ac Litteris Apostolicis quibuscunque, sub quibuscunque tenoribus, & formis, & cum quibuscunque, etiam derogatoriis derogatoriis, aliisque efficacioribus, efficacissimis; & insolitis clausulis, ac irritantibus, & aliis decretis in genere, vel in specie, etiam motu, scientia, & potestatis plenitudine similibus, etiam consistorialiter, ac aliis quomodolibet, in contrarium præmissorum concessis, editis, confirmatis, & approbatis, ac pluries, & quantiscunque vicibus innovatis; Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, formas, causas, & occasiones, ac si de verbo ad verbum, nihil penitus omisso, & formâ in illis tradita observata exprimerentur, & infererentur, iisdem præsentibus pro plenè, & sufficienter expressis, insertis, servatis & specificatis respectivè habentes, illis aliâ in suo robore permanentibus, ad præmissorum effectum harum serie specialiter, & expressè ac plenissimè, & amplissimè derogamus, & derogatum esse volumus, & mandamus, cæterisque contrariis quibuscunque,

Fides Transumptorum.

§. 35. Volumus autem, ut earundem præsentium Litterarum transumptis, seu exemplis etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides in iudicio, & extrâ illud habeatur, quæ haberetur præsentibus, si forent exhibitæ, vel ostensæ.

Sanctio poenalis.

§. 36. Nulli ergo omnino hominum liceat paginam hanc nostrarum approbationis, confirmationis, innovationis, reductionum, reintegrationis, sanctionis, mandatorum, prohibitionis, statuti, decretorum, derogationum, voluntatum, ademptionum, restitutionum, concessionum, consolidationis, annexionis, unionis, hortationis, obsecrationis, præcepti, renovationis, annullationis, cassationis, irritationis, declarationis, onerationis, moderationis, & reformationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud S. Mariam Majorem Anno Incarnationis Dominicæ millesimo sexcentesimo nonagesimo tertio,

Dat. 16.
Febr. 1693
P. A. 3.

Quartodecimo Kal. Martii Pontificatus Nostri Anno Tertio.

B. Card. Prodotorius. J. F. Card. Albanus.

Vila de Curia J. Sacripantes.

D. Ciampinus.

Loco † Plumbi.

Registrata in Secretaria Brevium.

Anno à Nativitate D. N. Jesu Christi millesimo sexcentesimo nonagesimo quarto, Indiçti, secunda, die vero decima septima Februarii, Pontific. autem Sanctiss. in Christo Patris, & D. N. D. INNOCENTII Divinâ Providentiâ Papæ XII. Anno Tertio, Supradicta Constitutio affixa, & publicata fuit ad valvas Ecclesiæ Sancti Joannis Lateranensis, Basilicæ Principis Apostolorum, & Cancellariæ Apostolicæ, in Acie Campi Floræ, ac in aliis locis solitis, & consuevis Urbis per me Joannem Baptistam de Comitibus ejusdem Sanctissimæ D. N. Papæ, Cursorem.

Petrus Cannamellinus Curs. Magister.

Confirmatio Decreti Sacræ Congregationis Rituum super approbatione Sententiæ Ordinarii de cultu immemorabili exhibito Beatæ Joannæ Filiæ Alphonsi V. Lusitanæ Regis Religiosæ Ordinis Sancti Dominici cognomento Sanctæ Principissæ, & casu excepto, à Decretis Urbani Octavi.

XXXVI.

INNOCENTIUS PAPA XII.

Ad futuram rei memoriam.

Sacrosancti Apostolatus cura, quam inscrutabilis Divinæ Sapientiæ, atque bonitatis altitudo humilitati nostræ, meritis licet, & viribus longè impari, imponere dignata est, Nos urget, ut piis Orthodoxorum Regum magno in Ecclesiam Dei meritum fulgore conspicuorum votis ad augendam in terris sacrarum Virginum cum Cœlesti Sponso in beata æternitate regnantium, illarum præferim, quæ in diebus peregrinationis suæ, tametsi in rerum humanarum sublimitate positæ essent, non sperarunt tamen in lubrico divitiarum, sed divini Spiritus depromptum infusione Apostolicum consilium secutæ, cogitarunt quæ sunt Domini, ut essent sanctæ corpore, & spiritu, venerationem laudabiliter tendentibus, favorem assensum libentissimè præbeamus.

Exordium

§. 1. Cum itaque alias, videlicet die X. Julii MDCLXXXVIII. Congregatio Venerabil. Fratrum Nostrorum S. R. E. Cardinalium Sacris Ritibus Præpositorum Processus super sanctitate vitæ, & virtutibus Beatæ JOANNÆ cl. mem. Alphonsi V. dum vixit, Portugalliæ, & Algarbiorum Regis Illustris natæ, ac Religiosæ Ordinis Sancti Dominici cognomento Sanctæ Principissæ die XII. Maji MCCCCXC. defunctæ auctoritate ordinaria confectos examinaverit, ac commissione introductionis Causæ Beatificationis, seu Canonizationis ejusdem Beatæ JOANNÆ admittit, eaque subindè à fel. rec. Innocentio Papa XI. Prædecessore Nostro signata, in illius executionem vigore Litterarum remissorialium, & compulsorialium, alii Processus in Colymbrien. Elboren. & Ulyxbonen. respectivè Civitatibus super cultu immemorabili ipsi Beatæ JOANNÆ præstito, & casu excepto à Decretis rec. mem. Urbani Papæ VIII. Prædecessoris pariter Nostri in Congregatione Sanctæ Inquisitionis editis Apostolica auctoritate fabricati fuerint, ac Venerabilis Frater modernus Episcopus Colymbrien. prædictæ Con-

Decretum S. Congregat. super cultu Immemorabili hujus Beatæ, ac propterea hujus casus exceptio à Decretis Urbani VIII. de non cultu.

grega-

gregationis Cardinalium Judex Delegatus super eisdem cultu immemorabili dictæ Beatæ JOANNÆ cum scientia, & tolerantia Ordinariorum exhibitæ, nec non casu, ut præfertur, excepto sententiam protulit; demum verò ad enixas preces Charissimi in Christo Filii Nostri Petri Portugalliæ itidem, & Algarbiorum Regis Illustris, accedentibus etiam supplicationibus Venerabilium Fratrum Episcoporum, nec non Dilectorum Filiorum Religiosorum, Senatuum, Collegiorum, Academiarum, & Universitatum Regni Lusitanici, & ad iteratas instantias Dilecti pariter Filii Paulini Bernardini Fratris expressè professi Ordinis Prædicatorum, in Sacra Theologia Magistri, Causæ Beatificationis, seu Canonizationis hujusmodi Postulatoris in eadem Congregatione Cardinalium proposito dubio: An Sententia supradicta esset confirmanda in casu, & ad effectum, de quo agebatur, relativè contentis in dictis Processibus, eisque seriò, & diligenter discussis, atque examinatis, dicta Congregatio Cardinalium, audito pariter in scriptis, & in voce Dilecto Filio Promotore Fidei, de cultu immemorabili constare prædictamque Sententiam confirmandam esse censuerit.

§. 2. Hinc est, quod Nos piis, & devotis Petri Regis supplicationibus Nobis super hoc humiliter porrectis favorabiliter annuere cupientes, Decretum à memorata Cardinalium Congregatione editum, ut præfertur, quod scilicet de cultu immemorabili dictæ Beatæ JOANNÆ, & casu excepto à Decretis præfati Urbani Prædecessoris constet, Apostolica auctoritate tenore præsentium confirmamus, & approbamus, illique inviolabilis Apostolicæ firmitatis robur adjicimus; salva tamen semper in præmissis auctoritate præfate Congregationis Cardinalium.

§. 3. Decernentes easdem præfatas Litteras firmas, validas, & efficaces existere, & fore, suoque plenarios, & integros effectus sortiri, & obtinere, ac illis, ad quos spectat, & spectabit, infuturum plenissimè suffragari, & ab eis respectivè inviolabiliter observari, sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; Ac irritum, & inane, si secus super his à quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, cæterisque contrariis quibuscumque.

§. 5. Volumus autem, ut ipsarum præsentium Litterarum transumptis, seu exemplis, etiam impressis, manu alicujus Notarii publici subscriptis, & sigillo personæ in Dignitate Ecclesiastica constitutæ munitis, eadem prorsus fides tam in judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die 4. Aprilis 1693. Pontificatus Nostri Anno secundo.

J. Franciscus Card. Albanus.

Confirmatio Pontificis dicti Decreti.

Clausula sublata.

Derogationes.

Fides Transumptorum.

Dat. 4. Aprilis 1693 P. A. 2.

XXXVII.

Constitutio ut Officium, & Missa Conceptionis Beatæ Mariæ Virginis Immaculatæ cum Octava ubique Terrarum in posterum ab omnibus utriusque sexus Christianidelibus tam Secularibus, quam Regularibus, qui ad horas Canonicas tenentur, de præcepto recitetur.

INNOCENTIUS PAPA XII.

Ad perpetuam rei memoriam.

IN excelsa Sedis Apostolicæ specula, meritis licet imparibus, per ineffabilem divinæ bonitatis abundantiam constituti, muneris Nostri esse arbitra-

mur, ut gloriosissimæ Virginis Dei Genitricis Mariæ cultum, & venerationem in Terris, quantum Nobis ex alto conceditur, augere jugiter satagamus. Itaque pro singulari Nostra erga eandem Beatissimam atque Augulissimam Virginem Cœli Reginam devotione, nec non etiam piis, & enixis Charissimi in Christo Filii Nostri Caroli Hispaniarum Regis Catholici supplicationibus Nobis per Dilectum filium nobilem Virum Modernum Ducem de Medina Cœli pro eodem Carolo Rege apud Nos, & Sedem præfatam Oratorem super hoc humiliter porrectis, benignè inclinati, ut Officium, & Missa Conceptionis ejusdem Beatæ Mariæ Virginis Immaculatæ cum Octava, & lectionibus in Octavario Romano dudum à Congregatione tunc existentium S. R. E. Cardinalium Sacris Ritibus præpositorum approbato contentis, & à die octava ad decimam quintam Decembris ritè dispositis, quod jam pridem ex diversis ejusdem Sedis indultis, seu decretis in plerisque Christiani Orbis Provinciis, & Regnis recitati consuevit, ubique terrarum in posterum ab omnibus, & singulis utriusque sexus Christianidelibus, tam Secularibus, quam Regularibus, qui ad horas canonicas tenentur, de præcepto recitetur, auctoritate Apostolica tenore præsentium mandamus, & decernimus. Non obstantibus Constitutionibus, & Ordinationibus Apostolicis, cæterisque contrariis quibuscumque. Volumus autem, ut earumdem præsentium Litterarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis eadem prorsus fides adhibeatur, quæ adhiberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die 15. Maji 1693. Pontificatus Nostri Anno Secundo.

J. F. Card. Albanus.

Die, Mense, & Anno quibus supra dicta Constitutio affixa fuit ad valvas Principis Apostolorum, ad valvas Curie Innocentianæ in Monte Citorio, & in aliis locis solitis, & consuetis Urbis per me Joannem Gracum Apostolicum Cursorem.

Pro D. Mag. Curforum Gregorius Staggius SS. D. N. Papæ Curforum Decanus.

Erectio, Fundatio, & Deputatio, & Dotatio Hospitalii Apostolici Pauperum Invalidorum in Urbe instituti.

INNOCENTIUS EPISCOPUS.

Servus Servorum Dei. Ad perpetuam rei memoriam.

AD exercitium pietatis habentis juxta Apostolorum promissionem vitæ, quæ nunc est pariter, & futuræ, & præsertim Hospitalitatis, cujus studio intenti quandoque Angelos ipsos exceperunt hospitio, mentis Nostre oculis sedula meditatione convertentes, ut extremæ Pauperum invalidorum Almæ Urbis Nostre mendicari consulamur, voce illa Domini per Prophetam dicentis commonemur: Frange esurienti panem, & egenos, vagosque induc in domum tuam: Mandato itidem illo, quod Deus suo Populo Electo per Moysen injunxit, excitamur: Omnino indigens, & mendicus non erit inter vos: Magna demum timore corripimur, dum animo interim perpendimus tremendum novissimæ discussionis examen, in quo Filius Hominis, cum in Sede Majestatis advenerit, singula in Pauperes pietatis, & charitatis opera sibi facta, aut abnegata rependet, illaque Electis, qui ea exercuerunt, memorabit comiter ad sempiternam retributionem, & gloriam, Repro-

De Officio & Missa cum Octava, prout in rubrica.

Dat. 15. Maji 1693. P. A. 2.

Publicatio

XXXVIII.

Procedimus ab obligatione subveniendi Pauperibus invalidis.

bis